



UNIVERSITÄTS-
BIBLIOTHEK
PADERBORN

Universitätsbibliothek Paderborn

Philippi Servii Amicus Fidelis Usque Ad Mortem

Bouchy, Philippe

Coloniæ Agrippinæ, 1660

Postea poterit legi Symbolum sequens.

[urn:nbn:de:hbz:466:1-54799](https://nbn-resolving.org/urn:nbn:de:hbz:466:1-54799)

Post hæc autem rogavit Pilatum Ioseph ab Arimathæa (eò quòd esset discipulus Iesu, occultus autem propter metum Iudæorum) ut tolleretur corpus Iesu. Et permisit Pilatus. Venit ergo, & tulit corpus Iesu. Venit autem & Nicodemus, qui venerat ad Iesum nocte primam, ferens mixturam myrrhæ, & aloes, quasi libras centum. Acceperunt ergo corpus Iesu: & ligaverunt eum linteis cum aromatibus, sic mors est Iudæis sepelire. Erat autem in loco, ubi crucifixus est, hortus, & in horto monumentum novum, in quo nondum quisquam positus erat. Ibi ergo propter Parasceven Iudæorum, quia juxta erat monumentum, posuerunt Iesum.

*Postea poterit legi Symbolum
sequens.*

Quicumque vult salvus esse: ante omnia opus est, ut teneat Catholicam fidem.

Quam

Quam nisi quisque integram, in-
violatamque servaverit: absque du-
bio in æternum peribit.

Fides autem Catholica hæc est: ut
unum Deum in Trinitate, & Trini-
tatem in unitate veneremur.

Neque confundentes personas:
neque substantiam separantes.

Alia est enim persona Patris: alia
Filii, alia Spiritus Sancti.

Sed Patris, & Filii, & Spiritus San-
cti, una est divinitas, æqualis gloria,
coæterna majestas.

Qualis Pater, talis Filius, talis Spi-
ritus Sanctus.

Increatus Pater, increatus Filius,
increatus Spiritus Sanctus.

Immensus Pater, immensus Fili-
us, immensus Spiritus Sanctus.

Æternus Pater, æternus Filius, æ-
ternus Spiritus Sanctus.

Et tamen non tres æterni: sed unus
æternus.

Sicut non tres increati, nec tres
immensi, sed unus increatus, & unus
immensus.

Simi-

Similiter omnipotens Pater, omnipotens Filius, omnipotens Spiritus Sanctus.

Et tamen non tres omnipotentes: sed unus omnipotens.

Ita Deus Pater, Deus Filius, Deus Spiritus Sanctus.

Et tamen non tres Dii, sed unus est Deus.

Ita Dominus Pater, Dominus Filius, Dominus Spiritus Sanctus.

Et tamen non tres Domini, sed unus est Dominus.

Quia sicut sigillatim unamquamque personam, Deum ac Dominum confiteri Christiana veritate compellimur: ita tres Deos, aut Dominos dicere, Catholica religione prohibemur.

Pater à nullo est factus, nec creatus, nec genitus.

Filius à Patre solo est, non factus, nec creatus: sed genitus.

Spiritus Sanctus à Patre, & Filio, non factus, nec creatus, nec genitus, sed procedens.

Unus

Unus ergo Pater, non tres Patres,
 unus Filius, non tres Filii: unus Spi-
 ritus Sanctus, non tres Spiritus San-
 cti.

Et in hac Trinitate, nihil prius
 aut posterius, nihil majus, aut mi-
 nus: sed totæ tres personæ, coæter-
 næ sibi sunt, & coæquales.

Ita ut per omnia, sicut jam supra-
 dictum est: & unitas in Trinitate,
 & Trinitas in unitate veneranda
 sit.

Qui vult ergo salvus esse: ita de
 Trinitate sentiat.

Sed necessarium est ad æternam
 salutem: ut incarnationem quoque
 Domini nostri Iesu Christi fideliter
 credat.

Est ergo fides recta ut credamus,
 & confiteamur: quia Dominus no-
 ster Iesus Christus Dei Filius, Deus
 & homo est.

Deus est, ex substantia Patris, ante
 sæcula genitus: & homo est, ex sub-
 stantia matris, in sæcula natus.

Per-

Perfectus Deus, perfectus homo,
ex anima rationali, & humana carne
subsistens.

Æqualis Patri secundum divini-
tatem: minor Patre secundum hu-
manitatem.

Qui licet Deus sit, & homo: non
duo tamen, sed unus est Christus.

Unus autem, non conversione di-
vinitatis in carnem: sed assumptione
humanitatis in Deum,

Unus omnino, non confusione
substantiæ: sed unitate personæ.

Nam sicut anima rationalis, & ca-
ro, unus est homo: ita Deus & ho-
mo, unus est Christus.

Qui passus est pro salute nostra,
descendit ad inferos: tertia die resur-
rexit a mortuis.

Ascendit ad cælos, sedet ad dex-
teram Dei Patris omnipotentis: in-
de venturus est judicare vivos &
mortuos.

Ad cujus adventum omnes homi-
nes resurgere habent cum corpori-
bus suis: & reddituri sunt de factis
propriis rationem.

Ec

Et qui bona egerunt, ibunt in vitam æternam : qui verò mala in ignem æternum.

Hæc est fides Catholica: quam nisi quisque fideliter, firmiterque crediderit, salvus esse non poterit.

Litania Passionis Domini nostri Iesu Christi.

Humiliavit semetipsum Dominus noster Iesus Christus, factus obediens usque ad mortem, mortem autem Crucis : propter quod & Deus exaltavit illum, & donavit illi nomen quod est super omne nomen : ut in nomine Iesu omne genu flectatur, caelestium, terrestrium, & infernorum : & omnis lingua confiteatur, quia Dominus Iesus Christus in gloria est Dei Patris.

KYrie eleyson. Christe eleyson.

Kyrie eleyson,
Iesu Christe audi nos.
Iesu Christe exaudi nos.

Patet